

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-675/13
Sarajevo, 18.7.2013. godine

Z A P I S N I K

15. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 27.6. i 18.7.2013. godine

Sjednica je počela u 11.30.

Sjednici je predsjedavao Radoje Vidović, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio delegate, federalnog ministra finansija, predstavnike Vlade Federacije, goste i predstavnike akreditiranih medijskih kuća koje prate sjednicu.

Izostanak sa sjednice opravdali su Slađan Ilić, Ekrem Prošić i Mirko Batinić.

Na osnovu evidencije Stručne službe, predsjedavajući je konstatovao da sjednici prisustvuju 34 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate da na osnovu člana 104. Poslovnika o radu Doma naroda mogu postavljati delegatska pitanja i pokretati inicijative, te izraziti nezadovoljstvo dobijenim odgovorom.

Delegatska pitanja i inicijative

Josip Perić je izrazio nezadovoljstvo odgovorom Direkcije za robne rezerve Federacije BiH šta je poduzeto u vezi sa otuđenjem roba iz Direkcije. Zatražio je od tužilaštva i Državne agencije za istrage i zaštitu poduzimanje mjera kojima će se utvrditi ko je učestvovao u otuđivanju roba iz Direkcije.

Slobodan Tomić je izrazio nezadovoljstvo odgovorom JP Ceste Federacije BiH Uprava Mostar na pitanje koje se odnosilo na broj zaposlenih iz reda srpskog naroda.

Mira Ljubijankić je postavila dva pitanja.

Prvo pitanje je upućeno federalnom ministru raseljenih osoba i izbjeglica. Pitanje se odnosi na dostavu izvještaja o raspodjeli sredstava povratnicima, kako je vršena raspodjela tih sredstava i kome su dodjeljena.

Drugo pitanje je postavila Fehimu Škaljiću, predsjedavajućem Predstavničkog doma Parlamenta Federacije BiH, u vezi sa nepozivanjem delegata Doma naroda Parlamenta Federacije BiH na sjednicu Predstavničkog doma na kojoj se raspravljalo o ustavnim promjenama.

Predsjedavajući Doma naroda je odgovorio da Poslovníkom o radu Doma naroda nije definirano na koji način bi se održala plenarna sjednica, ali će i Dom naroda razmatrati inicijativu za ustavne promjene.

Hajrudin Bećirović je pokrenuo inicijativu za formiranje ad hoc komisije za usaglašavanje različito usvojenih tekstova zakona u oba doma Parlamenta Federacije BiH u kojoj bi članovi bili stručnjaci iz određene oblasti koja se tiče predmeta usaglašavanja.

Drago Puzigaća je postavio dva pitanja i zatražio pisane odgovore.

Prvo pitanje je postavio direktoru Federalnog zavoda za PIO u vezi sa isplaćivanjem penzija građanima Federacije koji žive u Drvaru, Bosanskom Grahovu i Glamoču.

Drugo pitanje je postavio direktoru Federalnog zavoda za zapošljavanje u vezi sa iznosom finansijskih sredstava predviđenih za zapošljavanje i samozapošljavanje povratnika u općine Drvar, Bosansko Grahovo i Glamoč.

Zijat Mušić je postavio dva pitanja i pokrenuo inicijativu.

Postavio je pitanje Federalnom ministarstvu za pitanja boraca i invalida odbrambeno-oslobodilačkog rata koji je zakonski osnov za donošenje odluke da se poslije 21.6.2013. godine ukinu prava svim korisnicima iz četiri općine zbog toga što odgovorna osoba u Federalnom ministarstvu za pitanja boraca i invalida odbrambeno-oslobodilačkog rata nije dostavila spisak korisnika koji treba biti revidiran.

Drugo pitanje - kojim medijskim kućama i u kojem iznosu je u posljednje dvije godine Razvojna banka Federacije BiH odobrila kredit.

Pokrenuo je inicijativu da Dom naroda Parlamenta Federacije BiH donese zaključak kojim će pozvati Vijeće ministara i Parlamentarnu skupštinu BiH da nastave redovan rad.

Dževad Rađo je postavio pitanje Vladi Federacije BiH da li će se i kada provesti odluka Ustavnog suda Federacije BiH kojom je dobitnicima najvećih ratnih priznanja i odlikovanja ukinut cenzus uveden Uredbom Vlade Federacije BiH. Zatražio je pisani odgovor.

Esed Radeljaš je pokrenuo inicijativu prema Vijeću ministara BiH, Upravi za indirektno oporezivanje BiH i Ministarstvu finansija i trezora BiH za oslobađanje od plaćanja PDV na lijekove.

Zoran Jovanović je postavio dva pitanja.

Prvo pitanje se odnosi na neuključivanje Ustavne komisije Doma naroda u proces razmatranja inicijative za ustavne promjene.

Drugo pitanje je uputio Federalnom zavodu za PIO u vezi sa usklađivanjem Pravilnika o ostvarivanju prava iz člana 141.a Zakona o izmjenama i dopunama Zakona o penzijskom i invalidskom osiguranju sa članom 141.a Zakona o izmjenama i dopunama Zakona o penzijskom i invalidskom osiguranju.

Sretko Radišić je postavio pitanje federalnom ministru finansija u vezi sa slabim prilivom sredstava u budžete kantona na osnovu indirektnih poreza.

Federalni ministar finansija Ante Krajina je dao odgovor na ovo pitanje.

Karolina Pavlović je postavila dva pitanja.

Prvo pitanje je uputila Upravi JP Autocesta Federacije BiH u vezi sa uvođenjem vinjeta za dionice autoputa u Federaciji BiH.

Drugo pitanje je postavila federalnom ministru obrazovanja i nauke a odnosi se na kriterije prema kojima je formirana Radna grupa za izradu strateških pravaca razvoja visokog obrazovanja.

Ivo Tadić je zatražio od Vlade Federacije i Federalnog ministarstva unutrašnjih poslova da donesu uputstvo za tumačenje Zakona o matičnim knjigama, a pogotovo u vezi sa upisom nacionalnosti u matičnu knjigu rođenih.

Josip Perić je ponovo zatražio održavanje tematske sjednice Doma naroda o stanju privrede u Federaciji i o stanju boračke populacije, te ponovo pokrenuo inicijativu za objavu Registra branitelja i svih onih koji ostvaruju pravu na osnovu bilo kojeg zakona u Federaciji.

Postavio je pitanje koje se odnosi na stanje u Institutu za medicinsko vještačenje zdravstvenog stanja i pitao kada će se Domu naroda dostaviti izvještaj o poslovanju ovog instituta.

Postavio je pitanje kada će se donijeti zakon koji će onemogućiti osobama koje se nalaze u nadzornim odborima preduzeća koja posluju sa gubitkom da primaju naknadu.

Marko Bosnić je postavio pitanje Kolegiju Doma naroda i svim subjektima koji su primili zahtjev - šta se poduzelo na rješavanju zahtjeva građana Općine Glamoč od 23.1.2013. godine koji se odnosi na obustavu uništavanja naoružanja na poligonu u Glamoču i na sanaciju imovine i uređenja okoliša uništenih uništavanjem minsko-eksplozivnih sredstava.

Segmedina Srna-Bajramović je upitala članove Kolegija Doma naroda zašto nije dobila informaciju o ostavci Igora Solde na članstvo u Upravnom odboru Radio-televizije Federacije BiH u kojoj je navedeno da će o razlozima ostavke obavijestiti rukovodstvo oba doma Parlamenta Federacije BiH i predsjedavajuće komisije za informiranje oba doma Parlamenta Federacije BiH.

Ivo Divković je postavio pitanje predsjedniku Federacije BiH da li će podnijeti ostavku ako se utvrdi da su u pucnjavi u Tuzli u kojoj je jedna osoba poginula a tri teže ranjene, učestvovala osobe koje je pomilovao predsjednik Federacije BiH.

Ivan Brigić je zatražio od sekretara Doma naroda da se delegatima dostave presude Ustavnog suda Federacije iz nadležnosti Federacije, te šta je urađeno po tom pitanju.

Predsjedavajući Doma naroda je odgovorio da je obavijestio delegate o neprovedenim presudama Ustavnog suda Federacije i pozvao predlagače da ne predlažu zakone koji nisu u skladu sa Ustavom Federacije.

Vesna Saradžić je izjavila da Komisija za jezička pitanja nije održala sjednicu zbog nedostatka kvoruma i pokrenula inicijativu za formiranje etičke komisije.

Nakon postavljanja delegatskih pitanja i inicijativa predsjedavajući je obavijestio delegate da će se sve pokrenute inicijative dostaviti Kolegiju Doma naroda nakon čega će Kolegij zauzeti stav o inicijativama i proslijediti ih Domu naroda na razmatranje.

Također, u vezi sa inicijativom koju je pokrenuo Josip Perić za održavanje tematske sjednice Doma naroda o stanju privrede u Federaciji, predsjedavajući je obavijestio delegate da je inicijativa proslijeđena Vladi Federacije na izjašnjenje, te će se ova sjednica održati kada se dostavi to izjašnjenje.

Hajrudin Bećirović je predložio da Kolegij Doma naroda ovu inicijativu dostavi Odboru za privredu koji bi je razmotrio i predložio u kom smjeru se sjednica treba odvijati.

Nakon toga je predsjedavajući pozvao delegate da usvoje zapisnike 14. i 15. vanredne i zapisnike 13. i 14. redovne sjednice Doma naroda.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, bez primjedbi (38 glasova za i dva uzdržana glasa), usvojio Zapisnik 14. vanredne sjednice Doma naroda, održane 18.4.2013. godine.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, bez primjedbi (35 glasova za, jedan uzdržani glas i jedan glas protiv), usvojio Zapisnik 15. vanredne sjednice Doma naroda, održane 16.5.2013. godine.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, bez primjedbi (38 glasova za), usvojio Zapisnik 13. sjednice Doma naroda, održane 13. i 20.12.2012. i 21.3.2013. godine.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, bez primjedbi (37 glasova za i jedan uzdržani glas), usvojio Zapisnik 14. sjednice Doma naroda, održane 21.3.; 18.4.; 16.5. i 6.6.2013. godine.

Nakon usvajanja zapisnika prešlo se na utvrđivanje dnevnog reda.

Predsjedavajući je podsjetio delegate da je Vlada Federacije BiH dostavila Prijedlog Zakona o izmjenama i dopunama Zakona o plaćama i drugim naknadama sudija i tužilaca u Federaciji BiH sa prijedlogom da se razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 37 glasova za i uz dva uzdržana glasa, prihvatio da se Prijedlog Zakona o izmjenama i dopunama Zakona o plaćama i drugim naknadama sudija i tužilaca u Federaciji BiH razmatra po hitnom postupku.

Predsjedavajući Doma naroda je podsjetio delegate da je Jasminka Durić, zastupnica u Predstavničkom domu, dostavila Prijedlog Zakona o

izmjenama i dopunama Zakona o poljoprivrednom zemljištu sa prijedlogom da se razmatra po skraćenom postupku.

Predstavnički dom je, uz saglasnost predlagača, odlučio da ovaj prijedlog Zakona razmatra u formi nacrtu Zakona. Kolegij Doma naroda je predložio da i Dom naroda ovaj zakon razmatra u formi nacrtu.

Također, Vlada Federacije BiH je dostavila Prijedlog Nomotehničkih pravila za izradu zakona i drugih propisa Federacije BiH.

Predstavnički dom je, uz saglasnost predlagača, odlučio da ovaj prijedlog pravila razmatra u formi nacrtu pravila. Kolegij Doma naroda je predložio da i Dom naroda ova pravila razmatra u formi nacrtu.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH:

- sa 36 glasova za i uz jedan uzdržani glas, prihvatio da se Prijedlog Zakona o izmjenama i dopunama Zakona o poljoprivrednom zemljištu razmatra u formi nacrtu Zakona;
- sa 40 glasova za i uz jedan uzdržani glas, prihvatio da se Prijedlog Nomotehničkih pravila za izradu zakona i drugih propisa Federacije BiH razmatra u formi nacrtu pravila.

Kolegij Doma naroda je predložio da se kao 3. tačka dnevnog reda današnje sjednice uvrsti - Usaglašavanje različito usvojenih tekstova zakona u oba doma Parlamenta Federacije BiH - Prijedlog za rješenje spornog pitanja u tekstu Zakona o korištenju obnovljivih izvora energije i efikasne kogeneracije.

U raspravi u vezi sa ovim prijedlogom učestvovali su: Jasenko Tufekčić, koji je izrazio protivljenje ovom prijedlogu Kolegija jer je prijedlog za rješenje spornog pitanja u tekstu ovog zakona podijeljen na sjednicama klubova naroda koje su održane dan prije sjednice Doma i jer se na Komisiji za usaglašavanje raspravljalo samo o amandmanima koje Dom naroda nije usvojio, a da pritom nije pripremljen usaglašeni tekst ovog zakona; Hajrudin Bećirović je predložio da se Domu naroda dostavi tekst ovog zakona sa ugrađenim i usaglašenim amandmanima, kao i informacija o svim zahtjevima za izdavanje energetske saglasnosti za proizvodnju električne energije iz obnovljivih izvora energije i efikasne kogeneracije čija će se proizvodnja poticati, a upisani su u Registar projekata obnovljivih izvora energije i efikasne kogeneracije ili u Registar zahtjeva za energetske saglasnosti do 31.7.2012. godine i ta informacija od 31.7.2012. godine do 13.1.2013. godine u kojima bi bili razvrstani zahtjevi po oblicima obnovljivih izvora energije i efikasne kogeneracije i Ivo Divković koji je podržao teksta ovog zakona sa ugrađenim i usaglašenim amandmanima.

Nakon rasprave, predsjedavajući Radoje Vidović je stavio prijedlog Kolegija na glasanje.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH nije prihvatio prijedlog Kolegija jer je za glasalo 28 delegata, šest delegata je bilo uzdržano, a pet delegata je bilo protiv.

Budući da je predsjedavajući Doma, kojeg su podržala dva delegata, izrazio sumnju u rezultate glasanje, pristupilo se poimeničnom glasanju.

Prije poimeničnog glasanja Jasenko Tufekčić je izrazio razočaranje načinom rada jer se nije dostavio tekst Zakona sa ugrađenim i usaglašenim amandmanima izjavivši da nije bio na sjednici Zajedničke komisije i da nije pozvan na ovu sjednicu. Izjavio je da su se stručnjaci iz ove oblasti trebali konsultovati u vezi sa ovim zakonom. Radoje Vidović je izjavio da su na sjednici Komisije prisustvovali predstavnici HDZ-a, SDA, SDP-a i SBB-a i Narodne stranke Radom za boljitak, te da je predstavnica SDA glasala za zaključke Komisije. Mira Ljubijankić je izjavila da su se svi članovi Komisije dogovorili da se ponovo sastanu u pauzi sjednice Predstavničkog doma, te da Jasenko Tufekčić nije prisustvovao tom sastanku.

Nakon toga je Jasenko Tufekčić, u ime Kluba delegata bošnjačkog naroda, zatražio pauzu.

Nakon pauze, predsjedavajući je obavijestio delegate da je Kolegij Dom naroda predložio da se tačka - Usaglašavanje različito usvojenih tekstova zakona u oba doma Parlamenta Federacije BiH - Prijedlog za rješenje spornog pitanja u tekstu Zakona o korištenju obnovljivih izvora energije i efikasne kogeneracije - razmatra kao posljednja tačka dnevnog reda današnje sjednice, što su delegati, sa 36 glasova za i uz tri uzdržana glasa, prihvatili.

Zijat Mušić je zatražio da Dom naroda glasa o Zaključku kojim Dom naroda Parlamenta Federacije BiH poziva zastupnike - delegate Parlamentarne skupštine BiH i članove Vijeća ministara BiH da se vrate redovnim obavezama.

Predsjedavajući je konstatovao da Dom naroda Parlamenta Federacije nije usvojio ovaj zaključak jer je za glasao 21 delegat, četiri delegata su bila uzdržana, a devet delegata je bilo protiv.

Budući da više nije bilo prijedloga za izmjenu i dopunu dnevnog reda, predsjedavajući je stavio na glasanje predloženi dnevni red i konstatovao da je Dom naroda, jednoglasno (42 glasa za), usvojio sljedeći:

D N E V N I R E D

1. Prijedlog Zakona o izmjenama i dopunama Zakona o plaćama i drugim naknadama sudija i tužilaca u Federaciji BiH - hitni postupak;
2. Prijedlog Zakona o elektronskom dokumentu;
3. Nacrt Zakona o izmjenama i dopunama Zakona o poljoprivrednom zemljištu (predlagač: Jasminka Durić, zastupnica u Predstavničkom domu Parlamenta Federacije BiH);
4. Nacrt Nomotehničkih pravila za izradu zakona i drugih propisa Federacije BiH;
5. Nacrt Zakona o zaposlenicima u organima jedinica lokalne samouprave;

6. Nacrt Zakona o izvršenju krivičnih sankcija, pritvora i drugih mjera u Federaciji BiH;
7. Nacrt Zakona o pomoći na cesti;
8. Nacrt Zakona o biocidima;
9. Nacrt Zakona o hemikalijama;
10. Nacrt Zakona o liječenju neplodnosti biomedicinski potpomognutom oplodnjom;
11. a) Prijedlog Odluke o prihvatanju zaduženja po sporazumu o zajmu između Bosne i Hercegovine i Raiffeisen Bank International AG za finansiranje Projekta „Modernizacija Univerziteta u Bihaću“,
b) Sporazum o kreditu (Projekt „Modernizacija Univerziteta u Bihaću“) između Bosne i Hercegovine, koju zastupa Ministarstvo finansija i trezora i Raiffeisen Bank International AG,
c) Usaglašeni zapisnik sa pregovora,
d) Informacija o robnom kreditu Raiffeisen Bank International AG za finansiranje Projekta „Modernizacija Univerziteta u Bihaću“, koju je prihvatila Vlada Federacije BiH;
12. Prijedlog Finansijskog plana Federalnog zavoda za zapošljavanje za 2013. godinu i procjene plana za 2014. i 2015. godinu;
13. Prijedlog Finansijskog plana Federalnog zavoda za penzijsko i invalidsko osiguranje za 2013. godinu;
14. Prijedlog Finansijskog plana Zavoda zdravstvenog osiguranja i reosiguranja Federacije BiH za 2013. godinu;
15. Izveštaj Visokog sudskog i tužilačkog vijeća BiH za 2011. godinu;
16. Prijedlog Finansijskog plana (budžet) FERK-a za 2013.godinu;
17. a) Izveštaj o radu Agencije za bankarstvo Federacije BiH za 2011. godinu,
b) Informacija o bankarskom sistemu Federacije BiH za 2011. godinu,
c) Informacija o mikrokreditnom sistemu Federacije BiH sa stanjem na dan, 31.12.2011. godine,
d) Informacija o sektoru lizinga Federacije BiH sa stanjem na dan, 31.12.2011. godine;
18. Izveštaj o radu Komisije za koncesije Federacije BiH za 2011. godinu;
19. Izbori i imenovanja:
- Prijedlog Odluke o izmjeni Odluke o izboru članova u Parlamentarnu komisiju odgovornu za reviziju;
20. Usaglašavanje različito usvojenih tekstova zakona u oba doma Parlamenta Federacije BiH:
- Prijedlog za rješenje spornog pitanja u tekstu Zakona o korištenju obnovljivih izvora energije i efikasne kogeneracije.

1. **Prijedlog Zakona o izmjenama i dopunama Zakona o plaćama i drugim naknadama sudija i tužilaca u Federaciji BiH - hitni postupak**

Prijedlog Zakona utvrdila je Vlada Federacije.

Predstavnički dom Parlamenta Federacije BiH je na 19. sjednici od 19.3.2013. godine usvojio Prijedlog Zakona o izmjenama i dopunama Zakona o plaćama i drugim naknadama sudija i tužilaca u Federaciji BiH sa dva amandmana Vlade Federacije i jednim amandmanom koji je Vlada Federacije prihvatila kao svoj, pa je postao sastavni dio Prijedloga Zakona.

Amandmani glase:

Amandman I.

U članu 2. Prijedloga Zakona o izmjenama i dopunama Zakona o plaćama i drugim naknadama sudaca i tužilaca u Federaciji BiH u stavu 1. člana 6.c iza riječi: "tog rada" dodaju se riječi: "uvećanom za postotak utvrđen Kolektivnim ugovorom".

Iza stava 1. dodaje se novi stav 2. koji glasi:

"Visina naknade i uvjeti za ostvarivanje naknade utvrdit će se aktom Vlade Federacije BiH."

Dosadašnji stav 2. postaje stav 3.

Amandman II.

U članu 5. Prijedloga Zakona o izmjenama i dopunama Zakona o plaćama i drugim naknadama sudaca i tužilaca u Federaciji BiH, u članu 13.b iza stava 7. dodaje se novi stav 8. koji glasi:

"Ugovor o osiguranju sa odgovarajućom osiguravajućom kućom zaključuje rukovodilac suda, odnosno tužilaštva za sve sudije, tužioce i stručne saradnike zaposlene u tom organu u skladu sa Kolektivnim ugovorom."

Amandman III.

U Prijedlogu Zakona o izmjenama i dopunama Zakona o plaćama i drugim naknadama sudija i tužilaca u Federaciji BiH dodaje se novi član 6. koji glasi:

"Član 6.

Iza člana 16. ispod naziva Poglavlja: "III. Završne odredbe" dodaje se novi član 16.a koji glasi:

Član 16.a

Svi gramatički izrazi upotrijebljeni u ovom zakonu odnose se na oba spola."

Dosadašnji član 6. postaje član 7.

Prijedlog Zakona razmatrala su nadležna radna tijela Doma naroda i dostavila izvještaje.

Prijedlog Zakona obrazložio je Zoran Mikulić, federalni ministar pravde.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 36 glasova za, uz tri uzdržana glasa i uz tri glasa protiv, usvojio Prijedlog Zakona o izmjenama i dopunama Zakona o plaćama i drugim naknadama sudija i tužilaca u Federaciji BiH.

2. Prijedlog Zakona o elektronskom dokumentu

Prijedlog Zakona utvrdila je Vlada Federacije.

Predstavnički dom Parlamenta Federacije BiH je na 19. sjednici od 19.3.2013. godine usvojio Prijedlog Zakona o elektronskom dokumentu u tekstu kako ga je predložila Vlada Federacije BiH.

Prijedlog Zakona razmatrala su nadležna radna tijela Doma naroda i dostavila izvještaje.

Prijedlog Zakona obrazložio je Zoran Mikulić, federalni ministar pravde.

U raspravi su učestvovali Ivo Divković i Zoran Mikulić, federalni ministar pravde.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 41 glasom za i uz jedan uzdržani glas, usvojio Prijedlog Zakona o elektronskom dokumentu.

3. Nacrt Zakona o izmjenama i dopunama Zakona o poljoprivrednom zemljištu (predlagač: Jasminka Durić, zastupnica u Predstavničkom domu Parlamenta Federacije BiH)

Predsjedavajući je podsjetio delegate da je Dom naroda u prethodnom postupku odlučio da ovaj zakon razmatra u formi nacrta Zakona.

Vlada Federacije je dostavila Mišljenje o ovom zakonu.

Predstavnički dom je na 18. sjednici, održanoj 19.12.2012. godine, u prethodnom postupku odlučio da ovaj zakon razmatra u formi nacrta Zakona i tom prilikom ga je Zaključkom prihvatio i stavio na javnu raspravu.

Zakon su u formi prijedloga razmatrala nadležna radna tijela i dostavila izvještaje.

Nacrt Zakona je obrazložila Jasminka Durić, zastupnica u Predstavničkom domu Parlamenta Federacije BiH.

Mustafa Kurtović, predsjednik Odbora za poljoprivredu, vodoprivredu i šumarstvo, obrazložio je Izvještaj Odbora.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 30 glasova za, uz 14 uzdržanih glasova i uz jedan glas protiv, usvojio sljedeći:

ZAKLJUČAK

1. Dom naroda Parlamenta Federacije BiH prihvaća Nacrt Zakona o izmjenama i dopunama Zakona o poljoprivrednom zemljištu i smatra da može poslužiti kao osnov za izradu prijedloga Zakona.
2. Zadužuje se nadležno ministarstvo da organizira i provede javnu raspravu koja će trajati 60 dana.
3. Zadužuje se predlagač da prilikom izrade prijedloga Zakona ima u vidu mišljenja, primjedbe, prijedloge i sugestije iznesene na sjednici, kao i one iznesene u javnoj raspravi.

4. Nacrt Nomotehničkih pravila za izradu zakona i drugih propisa Federacije BiH

Predsjedavajući je podsjetio delegate da je Dom naroda u prethodnom postupku odlučio da ova pravila razmatra u formi nacrta.

Predstavnički dom je na 18. sjednici, održanoj 19.12.2012. godine, u prethodnom postupku odlučio da ovaj zakon razmatra u formi nacrta i tom prilikom ga je Zaključkom prihvatio i stavio na javnu raspravu.

Pravila su u formi prijedloga razmatrala nadležna radna tijela i dostavila izvještaje.

Nacrt Pravila je obrazložio Željko Silađi, direktor Ureda Vlade Federacije za zakonodavstvo i usklađenost sa propisima Evropske unije.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 39 glasova za i uz četiri uzdržana glasa, usvojio sljedeći:

ZAKLJUČAK

1. Dom naroda Parlamenta Federacije BiH prihvaća Nacrt Nomotehničkih pravila za izradu zakona i drugih propisa Federacije BiH i smatra da može poslužiti kao osnov za izradu prijedloga pravila.
2. Zadužuje se Vlada Federacije BiH da organizira i provede javnu raspravu u trajanju od 60 dana.
3. Zadužuje se Vlada Federacije BiH da prilikom izrade prijedloga Nomotehničkih pravila za izradu zakona i drugih propisa Federacije BiH ima u vidu primjedbe, prijedloge i sugestije iznesene u javnoj raspravi.

5. Nacrt Zakona o zaposlenicima u organima jedinica lokalne samouprave

Nacrt Zakona utvrdila je Vlada Federacije.

Predstavnički dom je na nastavku 19. sjednice, održane 11.4.2013. godine, razmatrao Nacrt Zakona i Zaključkom ga prihvatio i stavio na javnu raspravu.

Nacrt Zakona su razmatrala nadležna radna tijela i dostavila izvještaje.

Nacrt Zakona je obrazložio Zoran Mikulić, federalni ministar pravde.

Jasenko Tufekčić, predsjednik Zakonodavno-pravne komisije, obrazložio je Izvještaj Komisije.

U raspravi su učestvovali: Tomislav Martinović, Zoran Jovanović, Jasenko Tufekčić, Mustafa Kurtović, federalni ministar pravde Zoran Mikulić, Vesna Travljanin, direktor Saveza općina i gradova Federacije BiH i Aner Žuljević.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH nije prihvatio Nacrt Zakona o zaposlenicima u organima jedinica lokalne samouprave, jer su za glasala 24 delegata, osam delegata je bilo uzdržano, a 13 delegata je bilo protiv.

6. Nacrt Zakona o izvršenju krivičnih sankcija, pritvora i drugih mjera u Federaciji BiH

Nacrt Zakona utvrdila je Vlada Federacije.

Predstavnički dom je na nastavku 19. sjednice, održane 11.4.2013. godine, razmatrao Nacrt Zakona i Zaključkom ga prihvatio i stavio na javnu raspravu.

Nacrt Zakona su razmatrala nadležna radna tijela i dostavila izvještaje.

Nacrt Zakona je obrazložio Zoran Mikulić, federalni ministar pravde.

U raspravi su učestvovali: Sretko Radišić, Tomislav Mandić, Jasenko Tufekčić, Zijat Mušić i Zoran Mikulić, federalni ministar pravde.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH nije prihvatio Nacrt Zakona o izvršenju krivičnih sankcija, pritvora i drugih mjera u Federaciji BiH, jer je za glasalo 27 delegata, sedam delegata je bilo uzdržano, a 10 delegata je bilo protiv.

7. Nacrt Zakona o pomoći na cesti

Nacrt Zakona utvrdila je Vlada Federacije.

Predstavnički dom je na nastavku 19. sjednice, održane 11.4.2013. godine, razmatrao Nacrt Zakona i Zaključkom ga prihvatio i stavio na javnu raspravu.

Nacrt Zakona su razmatrala nadležna radna tijela i dostavila izvještaje.

Nacrt Zakona je obrazložio Pavo Boban, pomoćnik federalnog ministra prometa i komunikacija.

U raspravi je učestvovala Karolina Pavlović.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH nije prihvatio Nacrt Zakona o pomoći na cesti, jer je za glasalo 26 delegata, 10 delegata je bilo uzdržano, a šest delegata je bilo protiv.

8. Nacrt Zakona o biocidima

Nacrt Zakona utvrdila je Vlada Federacije.

Predstavnički dom je na nastavku 19. sjednice, održane 11.4.2013. godine, razmatrao Nacrt Zakona i Zaključkom ga prihvatio i stavio na javnu raspravu.

Nacrt Zakona su razmatrala nadležna radna tijela i dostavila izvještaje.

Nacrt Zakona je obrazložila Snježana Bodnaruk, pomoćnica federalnog ministra zdravstva.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 42 glasa za i uz jedan glas protiv, usvojio sljedeći:

ZAKLJUČAK

1. Dom naroda Parlamenta Federacije BiH prihvaća Nacrt Zakona o biocidima i smatra da može poslužiti kao osnov za izradu prijedloga Zakona.
2. Zadužuje se Vlada Federacije BiH da organizira i provede javnu raspravu koja će trajati 60 dana.
3. Zadužuje se Vlada Federacije BiH da prilikom izrade prijedloga Zakona ima u vidu mišljenja, primjedbe, prijedloge i sugestije iznesene na javnoj raspravi.

9. Nacrt Zakona o hemikalijama

Nacrt Zakona utvrdila je Vlada Federacije.

Predstavnički dom je na nastavku 19. sjednice, održane 11.4.2013. godine, razmatrao Nacrt Zakona i Zaključkom ga prihvatio i stavio na javnu raspravu.

Nacrt Zakona su razmatrala nadležna radna tijela i dostavila izvještaje. Nacrt Zakona je obrazložila Snježana Bodnaruk, pomoćnica federalnog ministra zdravstva.

U raspravi su učestvovali Zoran Jovanović i Sretko Radišić.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 40 glasa za, uz jedan uzdržani glas i uz jedan glas protiv, usvojio sljedeći:

ZAKLJUČAK

1. Dom naroda Parlamenta Federacije BiH prihvaća Nacrt Zakona o hemikalijama i smatra da može poslužiti kao osnov za izradu prijedloga Zakona.
2. Zadužuje se Vlada Federacije BiH da organizira i provede javnu raspravu koja će trajati 60 dana.
3. Zadužuje se Vlada Federacije BiH da prilikom izrade prijedloga Zakona ima u vidu mišljenja, primjedbe, prijedloge i sugestije iznesene na sjednici, kao i one iznesene u javnoj raspravi.

10. Nacrt Zakona o liječenju neplodnosti biomedicinski potpomognutom oplodnjom

Nacrt Zakona utvrdila je Vlada Federacije.

Predstavnički dom je na 19. sjednici, održanoj 19.3.2013. godine, razmatrao Nacrt Zakona i Zaključkom ga prihvatio i stavio na javnu raspravu.

Nacrt Zakona su razmatrala nadležna radna tijela i dostavila izvještaje.

Nacrt Zakona je obrazložila Marina Bera, pomoćnica federalnog ministra zdravstva.

U raspravi su učestvovali: Mira Ljubijankić, Mira Jurić, Jasenko Tufekčić, Mijo Matanović i Zoran Jovanović.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 36 glasova za i uz osam uzdržanih glasova, usvojio sljedeći:

ZAKLJUČAK

1. Dom naroda Parlamenta Federacije BiH prihvaća Nacrt Zakona o liječenju neplodnosti biomedicinski potpomognutom oplodnjom i smatra da može poslužiti kao osnov za izradu prijedloga Zakona.
2. Zadužuje se Vlada Federacije BiH da organizira i provede javnu raspravu koja će trajati 90 dana.

3. Zadužuje se Vlada Federacije BiH da prilikom izrade prijedloga Zakona ima u vidu mišljenja, primjedbe, prijedloge i sugestije iznesene na sjednici, kao i one iznesene u javnoj raspravi.

Potom je predsjedavajući Doma naroda prekinuo sjednicu u 16.20

NASTAVAK SJEDNICE OD 18.7.2013. GODINE

Sjednica je počela u 10.20.

Sjednici je predsjedavao Radoje Vidović, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio delegate, potpredsjednika Federacije Mirsada Kebu, predstavnike Vlade Federacije, goste i predstavnike akreditiranih medijskih kuća koje prate sjednicu.

Izostanak sa sjednice opravdali su Amir Zukić i Mustafa Kurtović.

Na osnovu evidencije Stručne službe, predsjedavajući je konstatovao da sjednici prisustvuju 33 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate na preostale tačke dnevnog reda i prešao na rad.

11.
 - a) **Prijedlog Odluke o prihvatanju zaduženja po sporazumu o zajmu između Bosne i Hercegovine i Raiffeisen Bank International AG za finansiranje Projekta „Modernizacija Univerziteta u Bihaću“**
 - b) **Sporazum o kreditu (Projekt „Modernizacija Univerziteta u Bihaću“) između Bosne i Hercegovine, koju zastupa Ministarstvo finansija i trezora i Raiffeisen Bank International AG**

c) Usaglašeni zapisnik sa pregovora
d) Informacija o robnom kreditu Raiffeisen Bank International AG za finansiranje Projekta „Modernizacija Univerziteta u Bihaću“, koju je prihvatila Vlada Federacije BiH

Prijedlog Odluke je utvrdila Vlada Federacije i dostavila Parlamentu Federacije radi donošenja.

Predstavnički dom je na nastavku 19. sjednice, održane 11.4.2013. godine, donio Odluku o prihvatanju zaduženja po sporazumu o zajmu između Bosne i Hercegovine i Raiffeisen Bank International AG za finansiranje Projekta „Modernizacija Univerziteta u Bihaću“.

Odluku su razmatrala nadležna radna tijela i dostavila izvještaje.

U raspravi je učestvovala Mira Ljubijankić.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 43 glasa za i uz jedan uzdržani glas, donio Odluku o prihvatanju zaduženja po sporazumu o zajmu između Bosne i Hercegovine i Raiffeisen Bank International AG za finansiranje Projekta „Modernizacija Univerziteta u Bihaću“.

12. Prijedlog Finansijskog plana Federalnog zavoda za zapošljavanje za 2013. godinu i procjene plana za 2014. i 2015. godinu

Prijedlog Plana je dostavila Vlada Federacije Parlamentu Federacije radi usvajanja.

Predstavnički dom je na nastavku 19. sjednice, održane 11.4.2013. godine, usvojio Prijedlog Finansijskog plana Federalnog zavoda za zapošljavanje za 2013. godinu i procjene plana za 2014. i 2015. godinu.

Prijedlog Plana su razmatrala nadležna radna tijela i dostavila izvještaje.

Prijedlog Plana je obrazložio Kenan Rešo, direktor Federalnog zavoda za zapošljavanje.

Hajrudin Bećirović je obrazložio izvještaj Odbora za privredu i Odbora za ekonomsku i razvojnu politiku, finansije i budžet koji su usvojili Zaključak kojim su predložili Domu naroda da do kraja 2013. godine održi tematsku sjednicu na kojoj bi se razmatrala problematika Federalnog zavoda za zapošljavanje.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 40 glasova za i uz četiri uzdržana glasa, usvojio Prijedlog Finansijskog plana Federalnog zavoda za zapošljavanje za 2013. godinu i procjene plana za 2014. i 2015. godinu

13. Prijedlog Finansijskog plana Federalnog zavoda za penzijsko i invalidsko osiguranje za 2013. godinu

Prijedlog Plana je dostavila Vlada Federacije Parlamentu Federacije radi usvajanja.

Predstavnički dom je na nastavku 19. sjednice, održane 7.5.2013. godine, usvojio Prijedlog Finansijskog plana Federalnog zavoda za penzijsko i invalidsko osiguranje za 2013. godinu.

Prijedlog Plana su razmatrala nadležna radna tijela i dostavila izvještaje.

Prijedlog Plana je obrazložio Muhidin Subašić, predstavnik Federalnog zavoda za penzijsko i invalidsko osiguranje.

U raspravi su učestvovali: Senahid Šaković, Sretko Radišić, Zoran Jovanović i Muhidin Subašić.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 44 glasa za i uz četiri uzdržana glasa, usvojio Prijedlog Finansijskog plana Federalnog zavoda za penzijsko i invalidsko osiguranje za 2013. godinu.

14. Prijedlog Finansijskog plana Zavoda zdravstvenog osiguranja i reosiguranja Federacije BiH za 2013. godinu

Prijedlog Plana je dostavila Vlada Federacije Parlamentu Federacije radi usvajanja.

Predstavnički dom je na nastavku 19. sjednice, održane 11.4.2013. godine, usvojio Prijedlog Finansijskog plana Zavoda zdravstvenog osiguranja i reosiguranja Federacije BiH za 2013. godinu.

Prijedlog Plana su razmatrala nadležna radna tijela i dostavila izvještaje.

Prijedlog Plana za 2013. godinu obrazložila je Novka Agić, direktorica Zavoda zdravstvenog osiguranja i reosiguranja Federacije BiH.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 41 glasom za i uz tri uzdržana glasa, usvojio Prijedlog Finansijskog plana Zavoda zdravstvenog osiguranja i reosiguranja Federacije BiH za 2013. godinu.

15. Izvještaj Visokog sudskog i tužilačkog vijeća BiH za 2011. godinu

Predsjedavajući je obavijestio delegate da je Visoko sudsko i tužilačko vijeće BiH obavijestilo Dom naroda da njihov predstavnik ne može prisustvovati današnjoj sjednici, pa je ova tačka skinuta sa dnevnog reda.

16. Prijedlog Finansijskog plana (budžet) FERK-a za 2013. godinu

Prijedlog Plana je dostavila Regulatorna komisija za električnu energiju u Federaciji BiH Parlamentu Federacije radi usvajanja.

Predstavnički dom je na nastavku 19. sjednice, održane 11.4.2013. godine, usvojio Prijedlog Finansijskog plana FERK-a za 2013. godinu.

Prijedlog Plana su razmatrala nadležna radna tijela i dostavila izvještaje.

Prijedlog Plana je obrazložila Đulizara Hadžimustafić, predstavnica FERK-a.

Hajrudin Bećirović je obrazložio izvještaj Odbora za privredu i Odbora za ekonomsku i razvojnu politiku, finansije i budžet koji su predložili da se ovaj finansijski plan usvoji.

U raspravi su učestvovali: Đulizara Hadžimustafić i Ivo Divković koji je predložio da Dom naroda što hitnije, zajedno sa Predstavničkim domom Parlamenta Federacije BiH, imenuje svoje članove u Komisiju za kupovinu poslovnog prostora FERK-a.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 45 glasova za i uz jedan uzdržani glas, usvojio Prijedlog Finansijskog plana FERK-a za 2013. godinu.

Dom naroda je, sa 37 glasova za i uz jedan uzdržani glas, usvojio sljedeći:

ZAKLJUČAK

Zadužuje se Dom naroda Parlamenta Federacije BiH da što hitnije, zajedno sa Predstavničkim domom Parlamenta Federacije BiH, imenuje svoje članove u Komisiju za kupovinu poslovnog prostora FERK-a.

- 17. a) Izvještaj o radu Agencije za bankarstvo Federacije BiH za 2011. godinu**
b) Informacija o bankarskom sistemu Federacije BiH za 2011. godinu
c) Informacija o mikrokreditnom sistemu Federacije BiH sa stanjem na dan, 31.12.2011. godine
d) Informacija o sektoru lizinga Federacije BiH sa stanjem na dan, 31.12. 2011. godine

Agencija za bankarstvo Federacije BiH je Parlamentu Federacije dostavila Izvještaj o svom radu u 2011. godini radi prihvatanja. Uz Izvještaj su dostavljene i informacije o bankarskom sistemu, mikrokreditnom sistemu i sektoru lizinga Federacije BiH sa stanjem na dan, 31.12.2011. godine.

Predstavnički dom je na 18. sjednici, održanoj 19.12.2012. godine, prihvatio Izvještaj o radu Agencije za bankarstvo Federacije BiH za 2011. godinu.

Izvještaj su razmatrala nadležna radna tijela i dostavila izvještaje.

Prijedlog Plana je obrazložilo Zlatko Barš, direktor Agencije za bankarstvo Federacije BiH.

U raspravi su učestvovali: Mira Ljubijankić, Josip Perić, Sretko Radišić i Zlatko Barš.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 35 glasova za i uz devet uzdržanih glasova, prihvatio Izvještaj o radu Agencije za bankarstvo Federacije BiH za 2011. godinu.

18. Izvještaj o radu Komisije za koncesije Federacije BiH za 2011. godinu

Na osnovu čl. 15. i 18. Zakona o koncesijama Federacije BiH, Komisija za koncesije Federacije BiH je podnijela Vladi Federacije Izvještaj o svom radu u 2011. godini.

Vlada Federacije je prihvatila Izvještaj i dostavila ga Parlamentu Federacije radi usvajanja.

Predstavnički dom je na 18. sjednici, održanoj 19.12.2012. godine, prihvatio Izvještaj o radu Komisije za koncesije Federacije BiH za 2011. godinu.

Izvještaj su razmatrala nadležna radna tijela i dostavila izvještaje.

U raspravi su učestvovali: Hajrudin Bećirović, Zoran Jovanović i Mira Ljubijankić.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 33 glasa za, uz tri glasa protiv i uz 10 uzdržanih glasova, usvojio Izvještaj o radu Komisije za koncesije Federacije BiH za 2011. godinu.

19. Izbori i imenovanja:

- Prijedlog Odluke o izmjeni Odluke o izboru članova u Parlamentarnu komisiju odgovornu za reviziju

Predstavnički dom je na nastavku 19. sjednice, održane 7.5.2013. godine, donio Odluku o izmjeni Odluke o izboru članova u Parlamentarnu komisiju odgovornu za reviziju, kojom je za njenog člana iz Predstavničkog doma izabran Srećko Boras umjesto Stanka Primorca.

Prijedlog odluke je razmatrala Komisija za izbor i imenovanja Doma naroda.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 38 glasova za, uz tri glasa protiv i uz pet uzdržanih glasova, donio Odluku o izmjeni Odluke o izboru članova u Parlamentarnu komisiju odgovornu za reviziju, kojom je za njenog člana iz Predstavničkog doma izabran Srećko Boras umjesto Stanka Primorca.

20. **Usaglašavanje različito usvojenih tekstova zakona u oba doma Parlamenta Federacije BiH:
- Prijedlog za rješenje spornog pitanja u tekstu Zakona o korištenju obnovljivih izvora energije i efikasne kogeneracije**

Predsjedavajući Doma naroda je obavijestio delegate da je Zajednička komisija za usaglašavanje različito usvojenih tekstova prijedloga zakona u domovima Parlamenta Federacije BiH na drugoj sjednici, održanoj 21.6.2013. godine i 25.6.2013. godine, razmatrala različito usvojene tekstove **Zakona o korištenju obnovljivih izvora energije i efikasne kogeneracije** - radi njihovog usaglašavanja.

Na osnovu člana 199. Poslovnika Predstavničkog doma Parlamenta Federacije BiH i člana 195. Poslovnika o radu Doma naroda Parlamenta Federacije BiH, Zajednička komisija je, jednoglasno (sedam glasova za), utvrdila Prijedlog za rješenje spornog pitanja u Zakonu o korištenju obnovljivih izvora energije i efikasne kogeneracije.

Predsjedavajući je potom pročitao Prijedlog Komisije.

Predstavnički dom je na 20. sjednici, održanoj 25.6.2013. godine, usvojio Prijedlog za rješenje spornog pitanja koji je predložila Komisija.

Predsjedavajući je podsjetio delegate da im je dostavljen prečišćeni tekst ovog zakona sa ugrađenim amandmanima i da su zatražene informacije o svim zahtjevima za izdavanje energetske saglasnosti za proizvodnju električne energije iz obnovljivih izvora energije i efikasne kogeneracije čija će se proizvodnja poticati, te da još nisu dostavljene.

Jasenko Tufekčić je, u ime Kluba delegata bošnjačkog naroda, zatražio pauzu.

Nakon pauze, Jasenko Tufekčić je izjavio da Klub delegata bošnjačkog naroda ne može podržati Prijedlog Komisije, jer se rješenjem koje je ponudila Komisija Uredbi, koja je proglašena neustavnom, vraća pravna snaga.

U raspravi je učestvovao Hajrudin Bećirović.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 32 glasa za, uz četiri glasa

protiv i uz devet uzdržanih glasova, usvojio Prijedlog za rješenje spornog pitanja u Zakonu o korištenju obnovljivih izvora energije i efikasne kogeneracije.

Budući da je Jasenko Tufekčić izrazio sumnju u rezultate glasanja, pristupilo se poimeničnom glasanju, koje je obavio Izmir Hadžiavić, sekretar Doma naroda.

Na osnovu rezultata poimeničnog glasanja, predsjedavajući je konstatovao da je Dom naroda Parlamenta Federacije BiH, sa 32 glasa za, uz četiri glasa protiv i uz 13 uzdržanih glasova, usvojio Prijedlog za rješenje spornog pitanja u Zakonu o korištenju obnovljivih izvora energije i efikasne kogeneracije:

PRIJEDLOG RJEŠENJA SPORNOG PITANJA

Prihvata se tekst Prijedloga Zakona o korištenju obnovljivih izvora energije i efikasne kogeneracije na način da su amandmani Predstavničkog doma: I., XI., XX., XXXIII. I XXXIV - koje Dom naroda nije usvojio i amandmani Doma naroda (amandmani Vlade Federacije BIH I. i II.), koje Predstavnički dom nije usvojio - usaglašeni na sljedeći način:

U članu 3. "Definicije i pojmovi" u stavu (1) dodaje se nova definicija pod i) koja glasi:

- i) "Nosilac projekta predstavlja pravno ili fizičko lice koje razvija projekt a izvodi po fazama unutar zadanog vremena uz trošenje i iskorištavanje različitih i ograničeno raspoloživih resursa."

Također, u članu 3. u stavu (1) iza tačke gg) dodaje se tačka hh) koja glasi:

"hh) Tarifni koeficijent je brojčana vrijednost pridružena svakoj grupi i tipu postrojenja za proizvodnju električne energije iz OIE-a koji pomnožen sa referentnom cijenom čini garantiranu otkupnu cijenu."

U članu 20. u stavu (3) tačka c) mijenja se i glasi:

"c) Kriteriji u pogledu veličine pojedinačnih postrojenja za svaku tehnologiju koja mogu imati status privilegovanog proizvođača, te tarifne koeficijente iz člana 3. stav (1) tačka hh), uključujući precizno definiranje pojma "postrojenje" za različite tehnologije korištenja OIEiEK-a."

U članu 37. iza stava (7) dodaje se novi tekst stava (8) koji glasi:

"(8) Registar zahtjeva za izdavanje energetske saglasnosti za privilegovanog proizvođača iz OIE-a i Registar izdanih energetskih saglasnosti za privilegovanog proizvođača iz OIE-a koje vodi Ministarstvo

važit će kao registar za izdavanje energetske dozvola iz člana 23. stav (4) ovog zakona i neće se obnavljati procedure.”

U članu 37. st. (14) i (15) mijenjaju se i glase:

(14) Zahtjevi za izdavanje energetske saglasnosti za proizvodnju električne energije iz OIEiEK-a čija će se proizvodnja podsticati, a upisani su u Registar projekata OIEiEK-a i u Registar zahtjeva za energetske saglasnost do 13.7.2012. godine, rješavat će se prema odredbama propisa koji su bili na snazi u vrijeme podnošenja zahtjeva.

(15) - Rješenja koja se dobiju za namjene i prema procedurama iz stava (14) ovog člana važit će 12 mjeseci od dana izdavanja.

- Rok za izgradnju postrojenja za proizvodnju električne energije iz stava (14) ovog člana je 12 mjeseci od dana izdavanja energetske saglasnosti.

- Istekom roka iz prethodne alineje nosioci izdatih rješenja bit će brisani iz Registra projekata OIEiEK-a i iz Registra zahtjeva za energetske saglasnost.”

Sjednica je završena u 13 i 20.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆI

Radoje Vidović